

docriver 文川网
古籍书城
入驻商家
在文川网搜索古籍书城 获取更多电子书

臺灣文獻匯刊

第五輯 ◎ 第二冊

金門縣志(二)

◎九州出版社
◎廈門大學出版社

金門縣志

金門縣志

五冊

金門縣志

金門縣志忠烈傳目錄

明

陳顯

蔡希旦

張璇光

張敏

盧若騰

清

李耀國

余壽

陳邦材
孫文元

江順保
陳必高

蕭富

胥獻珪

子德恩

曾元章

許攀桂

許法

李合成

docsriver 文川网
入驻商家 古籍书城

在文川网搜索古籍书城 获取更多电子书

黃志輝

邱成勳

劉高山

李高然 紀光壽

劉高崇 郭廷邦

李啟明 楊肇基

許朝陽

楊天庇

彭奪超

邱聯恩

林茂生

郭秉衡

林高山 吳允興

李震龍

洪集

金門縣志

金門縣志卷十九

列傳三

忠烈

明

陳顯號南海陳坑人。洪武壬子經魁。知德州。調直隸北平州。太宗時為燕王廉其才。辟掌書院。嘗乘奕諷諫。旋以病告歸。靖

難初遣使召顯。夜沐浴具衣冠再拜而死。祀忠義祠。

府縣志

蔡希旦字可久。號中溪。平林人。習儒業。弗遇力農以養親。父病。衣不解帶。禱以身代。父歿。水漿不入口三日。殯祭悉遵家禮。嘉靖庚申倭夷內訌。念父未葬。偕二弟趣嚴具。自操杵鍤成。

墳至指盡血既寢事而賊愈迫里中合謀禦之推希旦為首
悉括丁壯得二百餘人晝夜巡警親勸督之數日賊大至眾
相視無人色希旦挺身出眾從之賊揮刀引騎衝其胸十砲
齊發眾奔希旦立不動已而賊三道繞其後眾莫應者遂死
焉年甫五十希旦謹嚴仁厚嘗讀書野寺一婦夜欵門不納
寺有小僧暴卒其師素潔不敢近已就木矣希旦探其懷微
溫灸而起之旁舍嫗無子嘗向希旦乞食一日嫗不至希旦
曰必病也遣子往視則臥簣憊甚復持粥粥之嫗病尋愈族
有悍子忤繼母至嚙其臂父怒縛將沈之希旦曰子無狀誠
當死然亦念其母且入其以為惑後妻殺前子也引至祠堂

扶而與更新子因感激改過及遭難知不知無不流涕後以

子守愚貴贈主事晉贈四川按察使

府縣志清
白堂稿

張璇光號義山青嶼人磊落自豪讀書有獨得年二十冠童子

軍補邑弟子員踰年餽於庠崇禎之季時事日非自傷不能

借箸報國每劇飲大醉慷慨悲歌或繼以痛哭甲申之變絕

粒數日不死持巾櫛歎曰太祖頒諸生巾自冠臨朝三日取

前庶人後三公之義為諸生者獨不可以三公之義自効乎

自櫛髮投井中水淺僅沒其半乃俛首就淺水中死聞者奔

援之不及猶見其屈身就死狀時年二十有六曾孫時霖清

乾隆甲子舉人述其事京中公卿及同鄉紳士各賦詩為贈

標曰表微錄太史南昌萬孺菴武榮洪良堂序之

府縣志張氏家譜

張敏字輔德青嶼人正統乙巳沙尤寇起敏季父益彬集里中人保障為仇所誣逮長者戍軍幼丁闕割之敏與其兄張慶張本俱被闕送詣京師稍長選入內庭敏雖幼而言動舉止迥異常兒英宗擇為青宮近侍事憲宗恭慎無過憲宗嗣位敏旦夕左右至子夜輒起以侍有所聞見未嘗外洩外廷諸事概不干涉忠謹之名溢於宮禁嘗奉命操練騰鑲四衛官軍兼理十九房馬政監督五軍大營未幾賜璽書總督十二團營敏持法嚴而能推心體下士卒懷畏前後賞賚若書籍圖畫蟒衣玉器金鞍之類不可勝數又於常廩外歲給米三

金門縣志

十石特除其家戍軍籍五處召工圖其貌用璽識歲月敏兄本以御馬太監守備南京慶以司禮太監鎮守浙江諸子暉鴻臚寺卿苗太常寺卿先是憲宗春秋高未有子萬貴妃專寵而妬後宮有孕者皆墮之悼恭太子亦遇害帝偶行內藏紀太后以嬪御守藏應對稱旨得幸有娠萬妃知而恚謫居安樂堂生孝宗使敏溺焉敏驚曰上未有子奈何棄之乃藏之他室加意撫養紀太后乳少敏時袖粉餌哺啜萬妃日伺無所得時吳后廢居西內近安樂堂常往來哺養帝自太子薨後久無嗣一日召敏櫛髮照鏡歎曰冉冉矣而未子敏伏地稱死罪曰萬歲有子也帝叱曰安得有敏叩頭言狀帝大

喜即日幸西內遣迎皇子擁至階下髮披地走入帝懷已六
歲矣帝撫視久之悲喜泣下曰我子也類我使赴內閣具道
故羣臣入賀頒詔天下移妃居永壽宮二十一年敏疾帝遣
太醫診視訃聞震悼遣司禮御馬二監治喪賜寶鈔二萬貫
冠帽牙牌玉帶祭二壇戶部給齋糧麻布工部造墳及孝宗
立追賜敏璽書官其姪苗南通政使質至錦衣衛指揮同知
管衛事暉亦以慶蔭官光祿寺少卿食三品俸賜敏塋地通
州三百畝守卒二十人其後有錦衣千戶張鵬張臻百戶張
宏恩澤之盛大璫所稀苗子定登進士

明史有
縣志

盧若騰字閑之一字海運號牧州賢聚入崇禎丙子舉入庚辰

<p>良字勤合錄水程前去浙江到任自北直至山東所過廬舍 坵墟傷心慘目獨幸今秋頗熟餘糧棲畝因念陛下日施寬</p>	<p>巡視海道布政使司右叅議兼按察司僉事臣盧若騰謹奏 為直糾不法內臣事臣於七月二十九日辭朝領敕給兵部</p>	<p>阻開口有旨調國興田論如法<small>附錄叅內使田國興疏原任 兵部武庫司郎中今陞浙江</small></p>	<p>兵備道途次疏糾權璫田國興攬帶貨船濫用人夫辱州縣</p>	<p>有惡其太直者外遷浙江布政使司左參議分司甯紹巡海</p>	<p>壯之陞本部郎中兼總京衛武學三上疏劾定西侯蔣惟祿</p>	<p>能討賊只圖佞佛帝以新進小臣妄詆元輔嚴旨切責時論</p>	<p>臣楊嗣昌督師湖廣請刊布法華經祈福若騰疏叅嗣昌不</p>	<p>譽望大起黃道周沈佺期范方引為同志以氣節相尚會閣</p>	<p>進士御試召對稱旨時中外多警上雅意邊才授兵部主事</p>
---	---	--	--------------------------------	--------------------------------	--------------------------------	--------------------------------	--------------------------------	--------------------------------	--------------------------------

金門縣志

與不遵	而凌轡	已列方	日塞開	稅國興	重責幾	一行十	問也臣	益肆訶	部主事	攻瓦石	過開臣	國興所	舟相連	家泊舟	欲泊舟	復親富	恤之政
勘合徑	之辱朝	西捧教	南來糧	興受賂	幾斃該	牌開座	臣入山	訶叱監	事臣黃	瓦石亂	開臣等	攬帶皆	亦被搶	忽有內	富庶之	使內外	
行私派	走罪三	赴任君	船未免	攬船使	州可問	副通計	東界即	開道臣	慶星登	亂拋彈	等恐又	皆民船	打捨臣	員響弓	舊易耳	子守法	
達明旨	今各官	命所寄	稍費停	察與權	夫臨清	用夫九	聞前內	周沂東	岸諭以	九雨下	違憑限	滿裝違	倉皇問	放彈率	八月二	奉公而	
罪四山	歷用夫	國興於	待妨漕	俱無所	設立鈔	百餘名	有內臣	束手無	臣等捧	以遠當	乃於第	禁貨物	故據內	任南京	十四日	無貪婪	
東兵荒	奉有欽	於衆人	運罪二	施撓關	關原以	頃州官	沿途擾	奈何以	赴任不	遠當先	三日駕	載重行	員稱奉	工部主	抵臨清	者為之	
之後子	定額數	屬日之	臣叨陞	撓關政	以察姦	未辦鎖	擾驛至	遠慶星	宜相阮	被打臣	舟前進	遲次日	事臣陳	州東關	露即		
遺幾	國	地彈擊	監司	關政罪	一貨船	鎖擊兵	是果見	慶星二	國興	乃同赴	國興率	日仍未	以達	口方			
						房書手	國興	臣可		南京戶	眾喊	盡					

金門縣志

何國興派夫至九百餘名，實用則偏瘁其筋力，折乾則並竭其膏血，戕民命罪五。臣原荷簡擢殊恩，涓糜未報，今日擊此不法之狀，倘隱忍不言，誰復為陛下言者？乞敕諸臣據實具奏。如果臣言不虛，即將內臣回國興付法，司律擬示戒，並祈陛下垂察，一應差務，非萬不得已者，勿輕遣內員，以致滋擾。則聖德沾濡益普，而太平旦夕可期矣。臣無任激切待命之至。為此具本，專差義男盧忠賚捧奏聞。崇禎十五年八月二十八日具奏。九月二十五日奉聖旨：據奏田國興擾驛阻關，大肆囂陵，不法殊甚。此係何差遣，原給勘合船隻夫馬額數，若何着司禮監察明，作速撤回，另奪其攬帶多船及貨物。着該撫按盤驗速奏，不許漏縱。並一路用過人夫，居官潔已，惠及凌虛州縣等情。通着據實察來，該衙門知道。居官潔已，惠民剔奸弊，抑勢豪，峻絕餽遺，輕省贖錢，風裁凜凜，值山賊胡乘龍竊發，平之士民建祠以奉。有盧菩薩之稱。福王立召為僉都御史，督理江北屯田。巡撫盧鳳提督操江，嘗與劉宗周書云：天下有亂形，有亂根。今日文武不和，而文又與文不和。

武又與武不和。此亂形也。人心之生死分於理欲之消長。盈世界盡汨沒於利欲之場。而絕不體認天理。此亂根也。士大夫止圖做官。不肯盡職。官爵為市。賄賂公行。日言懲貪而貪官未嘗不蒙遷擢。日言獎廉而廉吏未必盡免擯棄。又如監司守令廉隅有砥者。必愛小民。必抑豪右。鄉紳雖心服之。而未免憎之。忌之。甚至羅織而汙蔑之。其盪盪不飾者。必徇情面。必畏疆禦。鄉紳雖心鄙之。而畢竟德之憐之。甚至多方而庇援之。夫天下惟中人最多。苟非大賢。受衆人之刼制。未有不改腸易行者。理念全消。欲趣轉盛。求紀綱刑政之無亂。不可得也。先帝殉難。而纍纍若若之輩。方屈膝以降賊。旋俯首

金門縣志

以事虜原其心曰愛惜性命似矣而未盡也人苟實見得世
 間物事無可以牽掛吾身者自然捨命不難彼實見留得身
 子在時有許多受用遂至甘心與醜虜為類而不恤然則愛
 惜性命尚是第二念而耽戀利欲乃其第一念當其取科第
 戴進賢時便已立定此等識趣非一朝一夕之故也故嘗謂
 士大夫之立朝者盡法老先生之立朝則太平有日其居鄉
 者盡法老先生之居鄉則太平亦有日今皆反是則惟有載
 胥及溺而已矣舊志於牧洲與劉宗周書僅節錄數語今按
 全書痛論當時亂形亂根極為切實特全叙

入明年夏行次錢塘而南都亡同安志所載歷任鳳陽巡撫
 在甲申以前考明史職官志

鳳陽巡撫嘉靖三十二年六年以倭警添設四十年歸併總督漕
 運今據三藩小紀及文集辭浙撫疏斷為福王時至全祖望

所稱尚書為甲申以後官不載不知勝朝殉節諸臣錄明史
通鑑輯覽於諸臣之任唐桂魯三王者概予原官今謹遵欽
定諸書
例補入唐王授以都察院右副都御史巡撫溫處台甯時已

命孫嘉績于穎矣按是時已命紹興鄉紳孫嘉績巡撫浙東
復允吏部之請用原任紹興守道于穎巡

撫浙又命若騰因事權不專疏辭不許將赴任請以總兵賀

君堯統靖海營水師以其弟遊擊若驥扼守盤山關要害時

紹興諸臣奉魯主監國誠意伯劉孔昭總督楊文驄分據台

甯處州若騰所撫惟溫州一府而已督師黃道周軍婺源以

沈有茲徐柏齡隸其麾下致書有云聞至浙東喜而不寐不

特聲氣可通亦且形勢相起補錄黃石齋督師來書云牧翁
兄丈聞駕至浙東喜溢寤寐不

獨聲氣可通亦形勢相起也會稽阻於長江欲取吳會非勾
踐之志種蠡之力不足一騁要當選其精良西渡禹航從安

docsriver 文川网
入驻商家 古籍书城

在文川网搜索古籍书城 获取更多电子书

金門縣志

吉廣德上招鐘山猶或可及耳而彼中刊口便已易口頭緒
 蕩蕩無下手處第以隻手赤身呼兵呼餉於無人之野廣信
 一郡自開嶽破比屋去山無復雜犬索米一月不得千石供
 五千人之食此外量沙談梅無一是處台翁擬過其倫又以
 非堪見薄又見曾二雲見代之旨二雲名櫻官大學士後流
 寓金廈二島辛卯殉難體貌隆重如鴻易燕俱不見下忽焉
 掣回想此危疆非人所樂瘍素馳載鹽車終無交割之日也
 嶽睦相連一重門限除是天下癡人負輓到此無由晤台翁
 吐其伊鬱耳連日出師在婺源上下與虜角逐一再報捷雖
 破竹未成而迎刃將解不知海上長鬣誰當佐其短長者武
 人掉活終是捉影捕風龍涎雖香要非朝餐所服矣主上聖
 明羣賢畢力而獨令天子憂邊中原臭突日尋披髮孔門三
 尺安得不道桓文乎粵中輸餉二十四萬福省自徵十餘萬
 而僕不得巧其涓滴安望復詣吳門問白虎之氣亦當與吾
 鄉子弟撒手懸崖耳沈有茲幸託宇下甚佳後來可與共濟
 敝門徒徐栢齡甚承盼睐業與一街俾為軍前措置些子使
 得支持過歲亦是朝家之福不獨吾輩共襄大業也因風懷
 想不盡依依十月既望道周頓并錄牧洲復黃督師書方
 今朝野晉倚老先生為裴晉公而一履行問諸事便難應手
 奈何奈何新安失守浙東怖剝膚矣賴老先生破虜於婺源

上下奪其銳氣使之惕息而不敢動今閩兵與金華之兵繇
 津安開化分道進發或可特角以成勝勢西陵戍卒僅可守
 而不可戰東海舟師整頓頗已就緒時下患朔風迅烈度其
 揚帆北指必在來春最可憂者魯廷諸人持議落落難合師
 之不和克何有焉日閱邸報主上決意親征期於臘月之朔
 啓行乘輿出關之後行見衆志咸孚軍勢大振恢抗復京在
 此一舉而運籌決勝要非老先生莫任耳貴門生徐君來具
 悉望餉之切然浙東亦同比惠其雖奉命撫溫處台甯四郡
 然甯官吏皆魯藩所署置未肯奉我正朔故某至今尚滯
 東甌某未至東甌時賦稅已透徵十之六七而士之呼庚者
 逾半歲莫應也近賀鎮自閩帶舟師三千來亦待哺於甌劉
 誠意率江上殘卒三千航海而南望甌至止又復移文索餉
 不出一月東甌必有大變蓋兵必與民間而主兵又必與客
 兵開也甌括二郡之餉自贖已不足矣朝廷又允揚龍友向
 此中支用一瓢衆與事何以濟某有膠柱之守而無點金之
 能已於十一月初十日上疏乞休未審能遂所願否也前曾
 特疏薦徐君抗虜大節已下部覆想不止以成均一體酬之
 遠辱教愛可勝銘感處苦局之中無能仰副台望益滋愧憤
 不盡鴻附復是年温州大饑若騰設法賑恤加兵部尚書手書
 便馳依

無不敬三字賜之

按加兵部尚書係隆武二年見塘報疏注舊志云諸書皆不載其何時何部今據文

集上桂王疏蓋尚未見上唐王疏也秋率師次平陽大兵逼七疏請援不應溫

民擁署呼曰願公為百萬生靈計若騰曰若欲降耶先殺吾民涕泣散夜叩紳士王瑞栴周應期門議城守瑞栴曰人心已死非口舌可挽相持痛哭城破驅家人巷戰腰臂各中一矢遇水師救出偕賀君堯脫入江上表請自劾命族弟若驥赴行在聞閩事壞痛憤赴水同官拯起裂皆曰是不欲成我也鄭鴻逵招回閩尋潛入滄洲圖起兵道出甯波父老迎謁垂涕遣之見事不可為仍回閩之曷山與郭大河傅象晉輩舉義屯兵望山寨欲乘間圖武安近寨有林某者宦裔也族

大而富威行於諸村落敵令柴允欽啗以官遂為敵出死力

絕義師餉道凡百姓輸糧助義者盡殺之且數伺隙欲奪望

山寨若騰三貽書諭之不應益猖狂無忌象晉懷憤久揮刀

直入敵陣敵聚眾圍之格鬪不得出遂死焉按傳象晉鷺門人時與敵良圍

入武安之瑾山起義後聞若騰在易山遂與良圍偕來受若騰指揮死後二十餘日屍尚堅實面色如生見留菴文集傳

象晉小傳附錄牧洲與柴允欽書仁者不背德智者不失時各省義旗雲興電發人心如此天意可知即就為虜用者

而言金王反正於西江李回響於南粵日者曾慶又殺虜自效矣諸公豈非逆知虜運將亡故轉敗為功畧無顧慮耶

漳屬十邑其五漸次相及愚者知之足下投誠自贖想當不待再計然遲速之間功罪懸絕不可不熟思也漳郡之

及之形守孤城業有通書乞降於國姓其視武安已有鞭長不

傷之躬率士民迎真正仁義之師入鎮邑中生靈保全市肆無傷此便是足下歸正第一功若猶豫不決坐待東西至之兵

金門縣志

環集城下，力屈勢窮，而後納款，人心不同，有如其面，萬一有
 憤歸命之遲，恣行殺掠者，閩邑之怨，不歸於足下，誰歸耶？怨
 之所歸，罪隨其後，足下何不及早圖之，不佞從生靈起見，非
 獨為足下一人也。肝膈之言，惟採納是荷。柴允欽來書恭
 惟老公祖先生台臺，盛世祥麟，清時隱豹，詰戎吳越，崇陰猶
 繫於庚桑，秉鉞中都，濊澤尚存，夫淮海，久矣士林，山斗實為
 當代仰雲，某編屢武林，沐恩有素，今叨種花天柱，時與貴同
 年張希文先生歌詠徽猷，楷模芳烈，未遑一介起居，政以戎
 莽棘塗，時切夢寐，忽聞駕臨，敝治撫華，珪山多條，道路訛言，
 某實未敢信，益義舉二字，非不美名，但正朔已五期，而初無
 闕失，天時人事，大費推敲，彼蠢動蚩民，不過志存劫掠，烏合
 汙流，一遇大兵，靡不見睨，徒自摧殘，身命塗炭，生靈豈角端
 殺運未除耶？老公祖道本猶龍，智同日月，以萬金不易之軀
 等閒公孤，御相即使泥塗軒冕，亦不失夷齊高致，豈有輕身
 草莽，精衛難成，貽憂不測，甘坐垂堂之戒哉？竊謂柳士師亦
 聖之和者也，治亂皆進，惟以致君澤民為任，伯夷亦聖之清
 者也，兩公出處不同，而為聖則一，今日祖臺指點愚民，騷然
 無益，改邪歸正，以奠此久累之危，離是亦江湖廊廟，不失其
 和，即不然，而高尚林泉，靜觀山水，是亦首陽大節，不失其清
 流，若不朽，某與父老共戴高深於不替矣，肅此荒穢，冒瀆，伏

金門縣志

金門縣志

恩失身降虜。想當迫於無可奈何之勢。若云甘心為此。全無
 轉念。不佞未忍信也。珪山從前行徑。由於首事者非其人。自
 受不佞約。束未嘗殺一人。掠一物。謂非真心向義。不可。漢之
 馮耿。宋之宋岳。皆當撫巨盜而用之。不佞何獨不然。將軍謂
 誤聽亡命之言。非也。至謂惹萬年之笑。則未知萬年所笑者何
 等人。笑舉義抗虜者。將反羨失節降虜者耶。必不然矣。將軍
 為目前計。固宜附虜。以取富貴。如果為萬年計。莫如聽不佞
 之言。手挈漳郡。以還本朝。漳郡反正。諸郡應之。由是而聯絡
 各省之忠義。以恢復兩京。中興功臣。誰能出將軍之右者。舍
 此不務。而欲處劉同類。以效忠犬羊。縱能多殺義師。終為萬
 世罪人。况人心在在思漢。非將軍所得而盡教耶。惟將軍審
 圖之。率爾附復。統祈崇照。附王進來書。恭惟老先生台臺
 達時俊傑。當代英豪。昔為海內名臣。今作山中宰相。名重夷
 吾。道隆姬旦。不肖進世籍中州。奈居末弁。久瞻山斗之姿。未
 遂識荆之願。幾欲趨晤。可奈無緣。昨珪山倡亂。某率兵往剿。
 口逆窮遁。未置鋒鏑。今大師尚札秦邑。聞老先生為餘孽所
 惑。亦圖義舉。進終未誠信。但老先生之雄才碩望。肯效清朝
 進當力保不失輔宰之位。今優悠林下。無一掛礙。亦邁年之
 樂也。幸勿誤聽亡命之言。致惹萬年之笑。如從中為我散司
 解此氣。其百萬生靈。皆老先生之再造也。臨楮不勝神慙。爾

同葉翼雲陳鼎入安平鎮鄭成功待以上賓復轉徙鷺江偕

王忠孝沈宸荃曾櫻許吉燦辜朝薦徐孚遠郭曾一紀許國

輩居浯島上自號留菴永明王因閣部路振飛疏薦召拜兵

部尚書道阻不得達成功卒張煌言貽書謀復奉魯王監國

按張煌言來書已佚附錄牧洲與張煌言書十試不折百鍊
彌剛台臺真鐵漢也憶壬辰歲台臺擊楫北征曾呼弟共濟

扇頭大章至今諷詠猶令人神魄飛動顧當事者方忌人而
不能容人既不能容人而又好役屬人弟窺見至隱故常稱

病杜門以避之十年以來成紀茂陵邊幅日增而造物亦巧
相簸弄以結其局弟竊以此卜中興之有兆似非無當今事

可無牽制矣而願息者多異議竊起極好題目不肯做極惡
題目却要做出二三同志唇焦舌敝不能動人之聽一腔熱血

欲灑無地敬北望長跪乞指教於台臺倘貴鄉有可措手處
使弟效鉛刀之一割弟敢辭也弟年六十三志意未愆台臺

幸勿以老而棄之措短情長伏惟照亮又答書云不負朝
廷不負所學者老先生一人耳天未悔禍使孤忠困於窶穽

金門縣志

捧讀來教不禁涕之滂潏下也。敝鄉島僅彈丸，人可指數，而一閱之，市不勝異意，邪說繁興，視昔加甚，憂深慮遠者，不惟措手難，即開口亦難矣。弟守區區之節，而無展布之資，災因難劇，病以愁深，恒恐旦夕溝壑，負國之罪，終無以自贖，尤恨不得一晤老先生，吐其鬱伊耳。外島興屯，慮始不易，以弟所見，稠衆中尚多有有心人，今以田橫之客五百，奮臂號召，可使雲集響應，因而發憤為雄，未煩便弭節荒裔也。幸會王薨，康熟計之，令弟回，率爾附復，秋風不遠，跂望德音。

熙三年，將渡臺灣，至澎湖病亟，夢黃衣神持刺來謁，忽問：今是何日？侍者以三月十九對，矍然曰：是先帝殉難之日也。一慟而絕，遺命題其墓曰：自許先生年六十六，若騰風情豪邁。當時士夫幸博一第，則近地山海之饒，率擁為世業，或以為言，夷然不屑，晚一意著述，自天文地理，下逮蟲魚花草，宏通博雅，品藻古人成敗得失，反覆淋漓，斷制嚴謹，至於身世感

遇憂愁憤懣之什皆根於血性注灑人比之蔡忠毅道憲所

著有方輿圖考浯洲節烈傳留菴詩文集學字與耕堂值筆

島噫集島居隨錄島上閒居偶寄各若干卷通志府志縣志臺灣府志諸羅彰

化縣志留菴文集石齋文集臺灣外紀鮎崎亭集續閩書小腆紀年林霍詩話蠡測彙抄獻雲文抄

清

李耀國汶沙保山前村人澎湖左營守備康熙六十年赴臺灣

督造戰船適朱一貴作亂回澎率兵勇隨師往剿戰屢勝追

賊入庄被圍賊斫馬蹠斷徒步接戰中創幾陷軍士奪回郡

城創發而死已題授安平遊擊署升銅山叅將未任事聞賜

卹加恩襲騎都尉李氏家傳

金門縣志

余壽，金門人。乾隆間，以外委戍澎湖，擢把總。臺灣林爽文莊大田作亂，日攻府城。壽隸遊擊蔡攀龍麾下，分一隊數撓大田。賊黨進克鳳山，未幾府城急，從攀龍回郡，劄桶盤棧，兵僅九百，勢不敵。壽及軍士誓死決戰，殲賊數百。黎明，賊四面環圍，壽率籐牌兵直搗東北角，射殺執旗賊，賊稍却。忽肩中流矢，拔去之，負創再進，不數步暈仆，猶連呼殺賊而死。賜卹，予祭葬，祀昭忠祠。世襲雲騎尉，罔替。子世恩、世輝相繼襲。又金門人同陣亡者：安平中營千總陳邦材、金門右營把總江順保、澎湖左營外委孫文元、安平右營外委陳必高、文元以援諸羅死於鹿仔草，必高以援鳳山戰死，並予卹襲。舊志

蕭富閩縣籍居後浦為金門後營外委從征林爽文隨副將丁朝雄防堵海口南路賊攻郡城協力禦却之將軍常青攻南潭命為前鋒夜半用疑兵綴賊賊果疑四面分禦富密領健卒從庄後掩擊大隊軍亦會遂克南潭旋以北援諸羅戰死鹿仔草賜卹世襲雲騎尉子國華襲任同安營守備孫興邦繼襲自有傳舊志

胥獻珪號元圃後浦人為廈門後營千總署澎湖左營守備乾隆五十一年林爽文亂帶兵渡臺隨遊擊蔡攀龍北援諸羅師至半天厝遇伏陣潰見攀龍坐馬重創急換騎賊大至衝突不能出力乏被執喻降不屈賊怒支磔之事聞賜卹世襲

docsriver 文川网
入驻商家 古籍书城

在文川网搜索古籍书城 获取更多电子书

金門縣志

雲騎尉獻珪善草書素質直能急人因為淡水把總時友人黃三貴被誣繫已經年力白諸有司得釋又有傅姓者負民錢三百緡債家索急將尋死竭所有代償之子德恩襲任本省陸提右營守備署安海都司奉差買馬值河決馬溺行至中途死孫貞咸襲任至廈門守備署遊擊能詩

舊志

曾元章後浦人守備翼成子為金門左營把總嘉慶八年帶兵戍臺舟至料羅遇颶風失維漂至台州擊碎沈沒廕一子把

總

舊志

許攀桂后浦人安平中營把總海寇蔡牽竄入鹿耳門攀桂分駕快船力戰被賊砲焚死海中廕一子外委附祀后浦昭忠

祠舊志

許法官，鴻人，嘗從征臺寇林爽文，歷官廈門左營千總，蔡牽滋擾臺灣，隨師東征，臺戰鹿耳門，賊遁去，帶撤回兵，內渡漂沒。

廕一子把總舊志

李合成古寧頭人，安平左營外委，嘉慶十一年夏，自北淡水大雞

籠從副將邱良功攻沈朱瀆，黨巨艦蔡牽入鹿耳門，協力禦却之，復擊朱瀆戰死，滬尾洋賜邱襲如例，祀后浦昭忠祠，嗣

子秋香襲舊志

黃志輝，后浦人，叅將，載老從子，負膽畧能戰，隨剿南北洋，積功累擢烽火門守備，題升金門左營遊擊，未任，嘉慶十二年從